

浙江圖書館



浙江圖書館



浙 江 圖 書 館

五  
之  
易  
也



浙 江 圖 書 館

朽之易也。

**呂氏中曰**

人言創業之初。貪可使也。

愚可使也。詐可使也。苟可以辦吾事而已。是不知師之上六。開國承家。小人勿用之義也。漢高祖雖得韓彭之力。然終受韓彭之禍。我太祖平蜀之功。賞曹彬而責全斌。任義倫而責仁贍。蓋以曹彬用兵。秋毫無犯。義倫東歸。圖書數卷。而全斌仁贍之功。不足

以贖其貪酷之罪。愛民之仁。御將之術。兩得之矣。

義倫清

節

五星聚于

二月。以西川轉運使給事中沈義倫為樞密副使。初。義倫隨軍入蜀。獨居蔬食。及東歸。篋中惟圖書數卷而已。太祖嘗問曹彬以官吏善否。彬曰。臣止監軍旅。采察官吏。非所職也。固問之。唯薦義倫可任。太祖亦聞其清節過人。因擢用之。

○三月。五星聚于奎。

如連珠在降婁之次

初。竇儼

與盧多遜。楊徽之。周顯德中。同為諫官。儼善推步星曆。嘗曰。丁卯歲。五星聚奎。自此天下始太平。二拾遺見之。儼不與也。

**呂氏中曰** 以五代雲霧昏曠之久。所

以啓我宋。天日開明之候。天降時雨。山川出雲。國家將興。必有休祥。然奎星固太平之象。而實重啓斯文之兆也。當是時。師魯明復之經未出。安定

湖學之說未行於西北。伊洛關中之學未盛於天下。而文治精華已露於立國之初矣。

○秋九月定難節度使李彝興卒。子光

睿嗣

戊辰

開寶元年。○凡五國。

繼元鎮。

春二月。

立宋氏為太后

立宋氏為皇后

右衛將軍之也。

○三月初覆

試貢士。權知貢舉王祐擢進士合格者十人。陶穀子邴名在第六。太祖謂左右



覆試貢

七

曰。聞。毅。不。能。訓。子。邴。安。得。登。第。遽。命。中。

書。覆。試。而。邴。復。登。第。因。下。詔。曰。造。士。之。

選。匪。樹。私。恩。世。祿。之。家。宜。敦。素。業。如。聞。

黨。與。頗。容。竊。吹。文。衡。公。器。豈。宜。斯。濫。自。

今。舉。人。凡。關。食。祿。之。家。委。中。書。覆。試。○

以。董。遵。誨。為。通。遠。軍。使。先。是。太。祖。即。位。

召。遵。誨。諭。之。曰。卿。尚。記。曩。日。紫。雲。黑。龍。

之。事。乎。遵。誨。父。宗。本。仕。漢。為。隨。州。刺。史。

太。祖。微。時。客。遊。至。漢。東。依。宗。本。

紫雲之  
祥龍化  
之夢

每見城上。有紫雲如蓋。又夢登高臺。遇

黑蛇。約長百尺餘。俄化龍飛騰東北去。

雷電隨之。是何祥也。太祖皆不對。他日

論兵。遵誨理屈。拂衣起。太祖乃遵誨惶

辭宗本去。自是紫雲漸散矣。

恐請死。太祖曰。朕方赦過賞功。豈念舊

怨邪。乃自驍武指揮使拜馬軍都軍頭。

至是以夏州近邊授之。遵誨至鎮。召諸

族酋長。諭以朝廷威德。剗音奎。割也。羊醢

酒音疎。下也。宴犒。甚至衆皆感悅。數月。復

來擾邊。遵誨率兵深入其境。俘斬甚衆。獲牛馬數萬。夷落以定。秋。毫不敢犯。○

獲牛馬數萬夷落以定秋毫無敢犯

秋七月

**北漢**

主鈞殂。養子繼恩立。

按護聖營

卒薛釗娶世祖女生繼恩。及世祖鎮太原。薛位隆顯。釗以微賤罕得見其妻。居

常快快。一日乘醉求見。即引佩刀刺之。

妻奮衣得脫。釗乃自剄。繼恩時幼。世祖

以漢主鈞無子。命養之。薛釗妻乃改適

何氏。生繼元。漢主又養為子。至是繼恩

即位。謚鈞曰。先是

北漢自潞州之敗日

孝和皇帝

懼宋師至。以趙文度為相。召山人郭無

為及五臺山僧繼顥參預國事。既又殺

樞密使段常。以郭無為為相。悉委機務

**遼**主遣使責之曰。爾不稟我命。擅改年

號助李筠殺段常。其罪有三。漢主遣使  
 謝曰。父為子隱。願赦之。遼主不報。而拘  
 其使。漢主益憂憤成疾。殂。初。太祖嘗因  
 北漢謀者。謂漢主曰。君家與周世讎。宜  
 不屈。今我與爾無間。何為困此一方人  
 也。若有志中國。宜下太行。以決勝負。漢  
 王遣謀者報曰。河東土地甲兵。不足以  
 當中國之什一。然我家世非叛者。區區  
 守此。蓋懼漢氏之不血食也。太祖哀其

哀漢主  
 言不加  
 兵於其  
 冊

言故終釣之世不加兵焉。○八月李繼

勳帥師攻北漢九月北漢侯霸榮弒其

主繼恩漢相郭無為誅侯霸榮漢主繼

元立遂告即位于遼且乞師遼大發兵

遣兵馬揔管撻烈將而赴之○冬十一

月享太廟每室加常○大食來貢

大食來貢

**巳巳** 開寶二年○遼景宗賢保寧 春二

**月遼** 主田于懷州獲熊歡飲醉馳還行

官夜分近侍小哥盪人花哥庖人辛古

等六人弑之年三十九。廟號穆宗。

謚曰。孝安。

教正皇帝

**史臣曰**

穆宗在位十八年。知女巫

妖妄見誅。

初。女巫蕭以上。延年藥方。當用男子膽和之。不數年。

殺人甚多。覺其妄。殺之。

諭臣下濫刑切諫。非不

明也。而荒耽于酒。畋獵無厭。偵鵠失

期。

偵音稱。候也。癡貞反。加炮烙鐵梳。與漁人沙刺送期候。

之刑。獲鴨甚歡。

應曆十五年。二月。獲鴨。除刑。十六年。三月。

東幸。庚午。獲鴨。甲申。獲鴨。皆飲達旦。

除鷹坊刺面之令。

賞罰無章。朝政不視。而嗜殺不已。變起肘腋。宜哉。

**遼**

主賢立

賢小字明衷。世宗第二子也。穆宗養之官中。即位。是為遼。

景宗

賢聞遼主璟被弒。帥甲騎千人赴懷

州。群臣尊曰。天贊皇帝。加耶律屋質于

越。知國事。○三月。太祖命李繼勳等進

薄太原。大敗漢兵于城下。太祖自發汴。

至太原。築長城圍之。城中大懼。然猶恃

遼為援。四月。何繼筠逆遼師于陽曲。敗

太祖圍太原

恤繫囚

之斬首數千。太祖命以所獲遼俘示於城下。城中由是喪氣。○夏五月。初命諸州獄吏恤繫囚。太祖以暑盛。詔獄吏五日一檢視。洒掃獄戶。洗滌杻械。貧者給食。病者給藥。小罪即時決遣。自是歲以為常。○太原圍久。遼援不能進。殿前都虞候趙廷翰率諸班衛士叩頭願先登。急擊以盡死力。太祖曰。汝曹皆我所訓練。無不一當百。所以備肘腋。同休戚也。



太原解

圍

我寧不得太原。豈忍驅汝曹。冒鋒刃。蹈  
 必死之地乎。衆皆感泣。時大軍頓甘草  
 池中。會暑雨。軍士多疾。太常博士李光  
 贊言曰。藁爾晉陽。豈須親討。重勞飛輓。  
 取怨黔黎。豈若回鑿。復都屯兵。上黨使  
 夏取其麥。秋取其禾。既寬力役之征。便  
 是蕩平之策。太祖從之。乃命趙普諭諸  
 將。解圍而還。

庚午

開寶三年。凡五國一鎮。

春三月。徵處士王昭

書治世  
養身之  
術

素為國子博士。昭素有學行。著易論三十三篇。學者多從之。太祖召見便殿。年已七十餘矣。令講乾卦。至九五飛龍在天。則歛容對曰。此文正當陛下今日之事。引援證據。因示風諫微旨。太祖大悅。問以治世養身之術。對曰。治世莫若愛民。養身莫若寡慾。太祖愛其言。書于屏几。○秋九月。詔脩前朝諸陵。被盜發者。  
詔洛陽。鳳翔。雍耀等州。周文。武。成。康。王。秦始。皇。漢高祖。文。景。武。元。成。哀。後魏。孝

文。西魏。文。後周。太祖。唐高祖。太宗。中宗。

秦始皇。漢高祖。文帝。景武。元成。哀。後魏。孝

文。西魏文。後周太祖。唐高祖。太宗。中宗

肅宗。代德武。宣懿。僖昭。諸帝凡二十七

陵。嘗被盜發者。有司備法服常服

各一。龕具棺槨重葬。所在長吏致祭



**漢**主委政宦官。龔澄樞尤貴。幸用事。作

燒煮剥剔刀山。劍樹之刑。賦斂煩重。所

居宮殿。以珠玳瑁飾之。作諸淫巧。日費

數萬金。宮城左右。離宮數十。游幸無度。

太祖聞之。歎曰。吾當救此一方民。乃令

南唐主為書諭。銀使稱臣。歸所侵湖南

諸州。銀囚唐使。報書甚不遜。唐主上其

伐南漢

言。太祖以潘美為桂州道行營都部署。尹從珂為副以伐之。時漢舊將多以讒搆誅死。宗室翦滅殆盡。及聞宋師至。內外震恐。乃遣龔澄樞。郭崇岳等禦之。九月。宋師至富州。克之。斬其將伍彥柔。澄樞遁還。十月。克賀州。十一月。攻昭桂。下之。十二月。克連州。大敗漢兵。斬首萬餘。遂下韶州。韶。漢之北門也。鉞聞韶破。窮蹙。遣郭崇岳屯馬迳以禦。宋崇岳無謀。

勇唯日禱于鬼神而已

**辛未**

開寶四年○是歲宋滅南漢凡四國一鎮

春正月。遣美

克英雄州。進將薄城。漢主懼。欲迎宋師。

郭崇岳止之。乃復為扞禦之備。美遂進

攻崇岳。為亂兵所殺。城遂陷。美入城。擒

漢主。及澄樞文武九十七人。部送汴京。

有宦者百餘。盛服請見。美曰。是掾人多

矣。吾奉詔伐罪。正為此等。悉斬之。凡得

州六十。縣二百四十。戶一十七萬二百

南漢平

六十三○夏六月封劉鋹為恩赦侯。賜襲衣冠帶。器幣鞍馬。命大理卿高繼申引澄樞李托薛崇譽斬于千秋門外。鋹體質豐碩。眉目俱踈。有口辯。性絕巧。嘗以珠結鞍勒。為戲龍之狀。極其精妙。以獻。太祖謂左右曰。鋹好工巧。習以成性。倘能以習巧之勤。移於治國。豈至滅亡哉。劉鋹在國時。多置醜以毒臣下。一日太祖幸講武池。鋹先至。賜以卮酒。鋹疑

太祖幸講武池。銀先至。賜以卮酒。銀疑

有毒。捧杯泣曰。臣承祖父基業。拒違朝

廷。勞王師致討。罪固當誅。陛下既待臣

以不死。願為大梁布衣。觀太平之盛。乞

全旦夕之命。以全陛下生成之恩。太祖

笑曰。朕推心置人腹。安有此事邪。命取

銀酒自飲之。而別酌以賜銀。銀大慙謝。

○御史中丞劉溫叟卒。溫叟性重厚。方

正。事繼母以孝聞。五代以來。言好古執

禮者。推溫叟焉。開封尹光義聞溫叟清

推心置人腹

劉溫叟清介

介嘗遣府吏齎錢五百千遺之。溫叟不敢却。貯廳事西舍。令府吏封識。乃去。明年重午。復送角黍紈扇。所遣吏即前送錢者。視西舍封識宛然。吏還以告。光義曰。我送猶不受。况他人乎。乃命輦歸府中。他日光義因侍宴。論當世名節士。具道溫叟辭錢事。太祖歎賞久之。溫叟為中丞十二年。屢求解職。太祖難其代。不許。及卒。有司請除中丞。太祖曰。必得純

厚如溫叟者。乃可。命太子賓客邊光範



不輕任人

厚如温叟者乃可命太子賓客邊光範  
兼判御史臺事居半歲始授中丞其不  
輕任人如此

館

呂氏中曰

國初用人之道蓋其始也

擇之精其終也任之久擇之精則小  
人不得以濫其選任之久則君子舉  
得以盡其職劉中丞任之十二年趙  
中令之相十一年郭進之守西山凡  
二十年李漢超之守關南凡十七年

皆久任而成功也。

○初太祖擇蜀親兵習弓馬者百餘輩為川班內殿直廩賜優給與御馬直等郊禮畢行賞以御馬直扈從特命增給川班擊登聞鼓援例陳乞太祖怒曰朕之所與即為恩澤豈有例邪斬其妄訴者四十餘人餘悉配隸諸軍其都校皆決杖降職遂廢其班內臣李承進逮事後唐者太祖問曰莊宗以英武定天下

直給川班

後唐書太祖問曰莊宗以英武定天下

享國不久何也承進言其故

云莊宗好畋獵務姑

息將士每出次近郊禁兵衛卒必控馬首告兒郎輩寒冷望與祿秩莊宗即隨

其所欲給之威令太祖撫髀歎曰二十

犯法有年夾河戰爭取得天下不能用軍法約

東誠為兒戲朕今撫養士卒固不吝爵

賞苟犯吾法惟有劔耳

**三** 開寶五年春正月禁民鑄錢為

佛像浮屠蓋慮愚民多毀農器以徼福故禁之 ○夏五月

霖雨河大雨河決太祖謂曹翰曰朕信宿以來

决禱天

信宿謂再宿也。焚香上禱于天。若天災流行。願

在朕躬。勿施於民。翰拜曰。宋景公一發善言。災星為之退舍。今陛下憂民如是。必不能為災也。太祖又謂宰相曰。霖雨不止。朕日夜焦勞。罔知所措。得非時政所關。使之然邪。趙普對曰。陛下臨御以來。憂勤庶務。有弊必去。聞善必行。至於苦雨為災。乃是臣等失職。太祖曰。朕恐掖庭幽閉者衆。昨令徧籍後官。凡三百

霖雨放  
宮人

八十餘人。因告諭願歸其家者。具以情

戒公主  
用翠羽

八十餘人。因告諭願歸其家者。具以情  
言。得百名。悉厚賜遣之。普等皆稱萬歲。  
○秋七月。永寧公主嘗衣貼綉鋪翠襦  
入宮中。太祖謂曰。汝當以此與我。自今  
勿復為此飾。公主笑曰。此所用翠羽。幾  
何。太祖曰。不然。主家服此。宮闈戚里。必  
相效。京城翠羽價高。小民逐利。展轉販  
易。傷生浸廣。實汝之由。汝生長富貴。當  
念惜福。豈可造此惡業之端。主慙謝。主

因侍坐。與皇后同言曰。官家作天子日  
久。豈不能用黃金裝肩輿。乘以出入。太  
祖笑曰。我以四海之富。宮殿悉以金銀  
為飾。力亦可辦。但念我為天下守財耳。  
豈可妄用。古稱以一人治天下。不以天  
下奉一人。苟以自奉養為意。使天下之  
人何仰哉。當勿復言。

**呂氏中曰**

刑也。一人之奢者。儉者雖微。而關於千  
勳範也。宮闈之地。四方所視。以為儀

軌範也。官闈之地。四方所視以為儀

刑也。一人之奢儉者雖微。而關於千  
萬世者為甚大。致謹於服色者雖小。  
而關於千萬里者為甚遠。可不謹哉。

**癸酉**

開寶六年

國書

凡四

鎮春二月高麗王

周恭帝  
祖

昭卒。子佑立。○三月。周鄭王宗訓殂于

房州。太祖素服發哀。輟朝十日。謚曰恭

殿試貢

帝。還葬慶陵之側。號曰順陵焉。○覆試

士

貢士於講武殿。自是殿試遂為永制。○

脩五代  
史

夏四月。命薛居正監脩五代史。○交州

丁璉來貢。詔封璉為交阯郡王。梁末交州土豪

曲承美。乘中國之亂。據有十二州之地。南漢攻執之。仍置交阯節度使。乾德初。

驩州刺史丁公著之子。部領攻節度使吳處珩。而據其位。自號大勝王。以其子

璉為節度使。南漢既亡。遂來貢。 **遼** 于越耶律屋質卒

于越者。遼之貴官。無所職。其位居北南大王上。非有大功德者不授。 **武**

寧節度使高繼冲卒。秋八月。趙普免

普獨相十年。為政頗專。嘗以私怨誣馮

瓚。李美。李檝。以賊論死。廷臣多忌之。帝

嘗幸其第。會吳越遣使致書于普。及海

相 趙普免

物十... 置于... 未及... 倉卒



當日幸其第。命吳天越遣使致書于並。及海

物十瓶。置于廡下。未及發而帝至。倉卒  
不暇屏。帝顧問何物。普以實對。帝曰。海  
物必佳。即命啓之。皆瓜子金也。普皇恐  
謝曰。臣未發書。實不知。帝曰。第受之。彼  
謂國家事。皆由汝書生爾。時官禁私販  
秦隴大木。普遣親吏詣市屋材。聯巨筏  
至汴。治第。吏因之竊貨大木。冒稱普市  
貨。粥音育。賣也。都下。三司使趙玘以聞。帝大  
怒。即欲逐普。王溥力為救解。得止。普又

雷德驤  
諂晉

鼎鎗有  
耳

以隙地私易尚食蔬園。以廣其居。多營  
 邸店。以規利。翰林學士盧多遜。方以文  
 學得幸。而與普不協。數因入對。短普。帝  
 滋不悅。初判大理寺雷德驤。以其官屬  
 與堂吏附會。普擅增刑名。見帝言之。帝  
 怒。叱之曰。鼎鎗猶有耳。汝不聞趙普。吾  
 之社稷臣乎。引柱斧擊折其上齧二齒。  
 命左右曳出。黜為商州司戶。知州奚嶼  
 希普意。奏德驤怨望。坐削籍。流靈武。其

子有... 意... 害... 之... 擊... 登... 聞... 鼓... 詔... 普... 親... 信...

希晉意。奏德驤然怒望。坐削籍。流靈武。其

子有隣。意普害之。擊登聞鼓。訟普親信

堂吏胡贊。李可度受賕。馮都詭切法。普

復苾二人。帝怒。杖贊。可度。而召德驤為

秘書省。擢有隣。秘書正字。普恩益替。普

嘗設大瓦壺於視事閣中。中外表疏。意

不可者。投其中。焚之。其多得謗。以此會

詔參知政事。與普更知印押班奏事。以

分其權。普不自安。求罷政。遂出為河陽

三城節度使。普至河陽。上表自訴曰。外

設瓦壺  
焚章疏

人謂臣輕議皇弟開封尹皇弟忠孝全德豈有間然矧昭憲皇太后大漸之際臣實預聞顧命知臣者君願賜昭鑒帝手封其表藏諸宮中

**呂氏中曰**

趙中令相太祖之功在於

收藩鎮之權。遲幽薊之伐。其再相太

宗之功。在於上彗星之疏。諫北伐之

書。而金櫃一書。尤宗廟社稷之大計

也。然普以天下為己任。故為政專。所

也。然普以天下為已任。故為政專。所

以啓雷德驤父子之謗也。自是以後。

居正。義倫。不過方重清介。自守之相。

爾

館

九月。呂餘慶罷。帝封弟光義為晉王。

封弟為晉王

兼侍中。班宰相上。帝加子德昭同平章事。以薛

居正。沈義倫。平章事。盧多遜。叅知政事。

○冬。十二月。行開寶通禮。帝命李昉。劉

禮。損益為二百卷。號通禮行之。

甲戌七年。凡四鎮。夏四月。遼使耶律昌

木來朝

始通也

二佛齊來貢○九月命曹

曹彬伐

江南

彬帥師伐唐。初帝屢遣使喻江南國主

入朝。不至。乃命曹彬為西南路行營都

部署。潘美為都監。曹翰為先鋒。都指揮

使將兵十萬以伐之。將行。帝戒彬曰。江

南之事。一以委卿。切勿暴掠生民。務廣

威信。使自歸順。不須急擊也。又曰。城陷

之日。慎無殺戮。設若困鬪。則李煜一門

不可加害。且以劔授彬曰。副將而下。不

戒勿暴  
掠生民

不可加害。且以劍授彬曰。副將而下。不

用命者斬之。潘美等皆失色。自王全斌  
平蜀多殺人。上每恨之。彬性仁厚。故專  
任焉。○十月。彬等發江陵。水陸並進。閏

月。克池州。敗唐兵于銅陵。遂次采石磯。

初。唐池州人樊若冰。以舉進士不第。因

謀歸宋。乃釣魚采石江上。數月。乘小舟。

載絲繩。維南岸。維繫也疾棹抵北岸。以度

策 度江獻

音鐸江之廣狹。因詣闕上書。言江南可

取狀。請造浮梁。以濟師。帝然之。遣石全

振往荆湖造黃黑龍船數千艘又以大

艦載竹

居鄧反。大索也。

自荆渚而下議者以

為自古未有作浮梁渡江者帝不聽擢

若冰右贊善大夫及師南下以若冰為

鄉導既克池州即用為知州十一月若

冰請試舟於石牌口遂移置采石不差

尺寸大軍濟江若履平地與唐師遇輒

敗之○冬十月五代史成凡百五十卷

帝覽之謂宰相曰梁太祖暴亂若此宜

論梁祖  
暴亂



其賊虐於子也。○十二月，**吳越**王俶奉

命圍唐常州。

**乙亥**八年。○是歲唐三鎮春三月，**遼**使克

沙骨慎思來結成。○夏四月，**吳越**王俶

克唐常州來歸。○秋七月，遣郝崇信如

**遼**。也報使八月，**遼**使耶律霸德來致方物

○曹彬圍**唐**江寧，屢敗唐師于城下。潤

州復降。唐主危迫，十月，乃遣其吏部尚

書徐鉉等貢方物，上表以求緩師。鉉言

徐鉉來  
緩師

于帝曰。李煜無罪。陛下兵出無名。煜以

小事大。如子事父。柰何見伐。帝曰。爾謂

父子為兩家。可乎。鉉不能對而還。鉉在江南。

以名臣自負。欲以書口舌馳說存其國。大臣亦先白帝曰。鉉博學有才辯。宜有以

待之。帝笑曰。第去。非爾所知也。踰月。主復遣鉉乞緩

師。以全一邦之命。鉉見帝。反覆論辯。不

已。帝怒曰。不須多言。江南亦有何罪。但

天下一家。卧榻之側。豈容他人鼾睡耶。

鼾。侯。旰。反。膳。熟。鉉惶恐而退。仍各厚賜遣還。○

察孝弟  
文武才

曾彬稱  
疾誓不  
殺

詔察民孝弟力田。竒材異行。文武可用者以聞。○彬圍唐日久。唐主猶不知之。一日登城。見列柵于外。旌旗遍野。始大懼。知為近習所蔽。先是兵柄委皇甫繼勲。至是殺之。彬頓師城下。俟唐兵出。則與之戰。未嘗急攻。而城中日迫。十一月。城將陷。彬忽稱疾。不視事。諸將皆來問疾。彬曰。余之疾。非藥石所能愈。惟須諸君誠心自誓。以克城之日。不妄殺一人。

則自愈矣。諸將許諾，共焚香為誓。彬即稱愈。乙未，城陷。彬整軍成列，至其宮城。唐主率臣僚請罪。彬慰安之，待以賓禮。請煜入宮治裝。彬以數騎待宮門外。左右密謂彬曰：「煜入或不測，柰何？」彬笑曰：「煜素悞，無斷。既已降，必不能自引決。」煜治裝畢，遂與其宰相湯悅等赴汴京。彬自出師，至凱旋，士眾畏服。江南賴以保全。凡得州十九，軍三，縣一百八十，戶六

江南平

全。凡得州十九。軍三縣一百八十。戶六

帝泣懼  
鋒刃者

十五萬五千六十五。捷至。群臣稱賀。帝泣曰。宇縣分割。民受其禍。攻城之際。必有橫罹鋒刃者。實可哀也。命出米十萬賑恤之。

**富氏弼曰**

太祖之愛民深矣。平一方

而不為喜。蓋念民無定主。當亂世。則為強者所脇。及中國之盛。反以兵取之。致有橫遭鋒刃者。遂至於感泣也。推是仁心而臨天下。宜乎致太平之

速也

**呂氏中曰**自古平亂之主。其視降主

不啻仇讎。而太祖待之極其恩禮。劉  
銀卮酒。飲之釋疑。李煜一門戒無加  
害。故僭偽之豪。悉得保全。老死牖下。  
自古攻取之主。其視生民。殆若草菅。  
而太祖待之。曲加存撫。江南興師。不  
戮一人。平蜀多殺。每以為恨。故新集  
之衆。不啻如赤子之仰父母。仁心仁

聞三代而下未之聞也

○進封劉鋹為彭城郡公

**丙子**

九年

十月

以後

太宗

炁

太平

興

春

正月帝御明德門以**唐**主煜嘗奉正朔

命勿宣露布止令煜君臣白衣紗帽至

樓下待罪帝見而釋之賜冠帶器幣鞍

馬有差授李煜為光祿大夫檢校太傅

右千牛衛上將軍封違命侯子姓從官

皆錄用之帝召徐鉉責以不早勸煜降

封李煜

鉉對曰。臣為江南大臣。國滅當死。不當

問其他。帝曰。忠臣也。又責張洎。音登因出

洎所草。召上江。援兵蠟丸書示之。洎謝

曰。犬吠非其主。此其一爾。他尚多有。今

得死。臣之分也。辭色不變。帝竒之。以為

太子中允。○二月。以曹彬為樞密使。彬

歸自江南。舟中惟圖籍衣衾而已。閣門

進榜子云。奉敕差往江南勾當公事。回

時人嘉其不伐。初彬之總師伐唐也。帝

曹彬不  
伐初

謂曰。矣。克李昱。當以即為使相。並  
去聲。



時人嘉其不伐。初彬之總師伐唐也。帝

謂曰。俟克李煜。當以卿為使相。凡並去聲。

校官兼中書令侍中同平章事。並謂之使相。潘美預以為賀。

彬曰。不然。夫是行也。仗天威。遵廟謨。乃

能成事。吾何功哉。况使相極品乎。美曰。

何謂也。彬曰。太原未平耳。及還。獻俘。帝

曰。本授卿使相。然劉繼恩未下。姑少待

之美。視彬微笑。帝詰之美。以實對。帝亦

大笑。乃賜彬錢五十萬。彬退曰。人生何

必使相。好官不過多得錢耳。至是乃拜

不與彬使相

樞密使

呂氏中曰

漢高帝善將將者以不容  
爵賞故也。然當天未定而信越諸  
人。爵已王矣。一旦固陵之會不至。則  
不免裂數千里以封之。此高帝有殺  
諸將之心矣。曹彬平江南之功至大。  
然寧賜以數十萬錢而斬一使相。蓋  
品位已極。則他日有功。何以處之。此  
終太祖之世而無叛將也。

賜劍履  
上殿

○吳越王俶來朝

俶聞唐亡而懼乃與妻孫氏子惟濟孫承

祐來朝帝賜禮賢宅以居親幸宴之賞賚甚厚三月賜俶劍履上殿書詔不名

命與晉王叙昆弟之禮封孫氏為王妃留兩月而遣還

辭歸帝賜

以黃袂封識

音志也

甚固戒曰途中宜密

觀及啓之則皆群臣乞留俶章疏也俶

益感懼既歸每視事一日命徙坐於東

偏謂左右曰西北者神京在焉天威不

違顏咫尺俶豈敢寧居乎每脩貢必列

於庭焚香而後遣之○三月帝以子德

越王焚  
香脩貢

終太祖之世而無叛將也

幸西京  
郊祀

芳為貴州團練使帝少子也○帝如西京遂

拜安陵宣祖陵也祭天地于南郊都民垂白

者相謂曰我輩少經亂離不圖今日復

觀太平天子儀衛有泣下者帝欲留都

洛陽群臣咸諫帝弗從晉王光義言其

非便帝曰遷河南未已終當居長安耳

晉王叩頭切諫帝曰吾將西遷者欲據

山河之勝而去冗兵循周漢故事以安

天下也晉王又諫曰在德不在險帝不

欲都長  
安

晉王出帝顧左右曰晉王之言固善

天下也。晉王又諫曰：「在德不在險，帝不

答。晉王出。帝顧左右曰：「晉王之言固善。」

今姑從之。不出百年，天下民力殫矣。殫音

也丹盡四月，還東京。○曹翰屠江州，殺屠

守將胡則。唐州郡皆降。獨江州指揮使

胡則殺刺史謝彥實。彥實集衆謀納款。指揮使胡則謂其

唐守將胡則死之  
下曰：吾屬世受李氏恩，安負之。刺史不忠，欲背國。爾曹能從我乎。衆皆聽命。乃

與同列宋德明等攻彥實。彥實逃。箬雷中。執而殺之。集衆為唐固

守。曹翰圍之。城陷，翰執之。數其罪，命之

罪。對曰：「犬吠非其主，公何怪也。」翰殺之。

攻太原

因縱兵悉取貲財。而盡屠其民。彬之子孫貴盛累世。翰沒未久。子孫有乞丐者。○秋八月。命党進。潘美。楊光美。牛思進。米文義。率兵分五道以攻太原。又遣郭進。郝崇信。王政忠。閻彥進。齊超。孫晏宣。安守忠。齊延琛。穆彥璋等攻忻代汾沁。遼石等州。諸將所向克捷。進敗漢兵於太原城。**北漢**主急求救于**遼**。遼主遣其相耶律沙救之。○冬十月。帝有疾。壬子。

太祖崩

召其弟晉王光義入侍。是夕帝崩。先是

帝不豫。壬子夜大雪。帝召晉王光義延

入大寢。屬以後事。宦官宮妾悉屏

音迸。必正。

也。反。逐。之。左右皆不得聞。但遙見燭影下

晉王時或離席。若有遜避之狀。既而上

引柱斧戮

音擢。築也。春也。又。

地。大聲謂晉

王曰。好為之。俄而帝崩。時漏下四鼓矣。

宋后見晉王愕然。遽呼曰。吾母子之命。

皆託于官家。晉王泣曰。其保富貴。無憂。

相耶律沙救之。冬十月帝有疾。壬子。

友節儉

帝性孝

也。帝性仁孝。豁達質任。自然不事矯飾。

宮中葦簾。緣用青布。常服之衣。澣濯至

再。即位之初。頗好去聲微行。或諫其輕出。

帝笑曰。帝王之興。自有天命。求之亦不

可得。拒之亦不能止。周世宗見諸將方

面大耳者。皆殺之。我終日侍側。不能害

也。我若應為天下主。誰能圖之。不應為

天下主。雖深居閉門。何益。既而微行愈

數。有諫者。輒語音御之曰。有天命者。任自

為之。不女禁也。一日罷朝。坐更殿。不樂。



數有諫者。輒語御之曰。有天命者。任自

為之。不汝禁也。一日罷朝。坐便殿。不樂。

者久之。左右請其故。曰。爾謂為天子容。

易邪。早作乘快。誤決一事故。不樂耳。嘗

宴近臣紫雲樓下。因論及民事。謂宰相

曰。愚下之民。雖不分菽麥。藩侯不為撫

養。務行苛虐。朕斷不容之。京城新宮成。

御正殿坐。令洞開諸門。皆端直軒豁。無

有壅蔽。因謂左右曰。此如我心。少有邪

曲。人皆見之矣。又嘗謂宰相薛居正等

不容苛虐

洞開殿門

防非室  
慾

哀矜無  
辜

曰。古之為君。鮮能正心。自致無過之地。朕嘗夙夜畏懼。防非室慾。庶幾以德化人之義。如唐太宗受人諫疏。直詆其失。曾不愧恥。豈若不為之而使下無間言哉。又謂宰相曰。朕觀為臣者。比多不能。有終。豈忠孝薄。而無以享厚福邪。尤注意刑辟。哀矜無辜。嘗讀二典。嘆曰。堯舜之時。四凶止。從投竄。何近代法網之密耶。故自開寶以來。犯大辟。非情理深害。

耶故自開寶以來犯大辟非情理深害

灸艾分痛

使善於任

者。多得貸死。惟賊吏棄市。則未嘗容貸也。晉王嘗病亟。音急親往視之。自為灼艾。晉王覺痛。帝亦取艾自灸。以分其痛。每對近臣言。晉王龍行虎步。他日必為太平天子。福德非吾所及也。善於任使。即位之初。交廣。劔南。太原。荆湖。江表。遼。夏。皆敵國也。因注意謀帥。命李漢超屯關南。馬仁瑀守瀛州。韓令坤鎮常州。賀惟忠守易州。何繼均領棣州。郭進控西山。

群下 恋以馭

武守琪戍晉州。李謙溥守隰州。李繼勳  
 鎮昭義以禦太原。趙贊屯延州。姚內斌  
 守慶州。董遵誨屯環州。王彥昇守原州。  
 馮繼業鎮靈武。以備西夏。其族屬在汴  
 京者。撫之甚厚。郡中筦與管同權音角之利。  
 悉以與之。恣其貿易。免其所過。征稅。許  
 其召募。亡命。以為爪牙。凡軍中事。皆得  
 便宜。每入朝。必召對命坐。厚為錫賚。以  
 遣之。由是邊臣富資。能養死士。使為間

禁。同。知。敵。情。及其。入。寇。設。伏。掩。擊。多。致。

群下  
遣之。由是邊臣富資，能養死士，使為間  
謀。洞知敵情，及其入寇，設伏掩擊，多致  
克捷。二十年間，無西北之憂。以至平蜀，  
楚拓越吳，所向遂志。蓋能推赤心以馭  
群下之所致也。元年，有州百一十一，縣  
六百三十八，戶九十六萬七千三百五  
十三。末年，有府州二百九十七，縣一千  
八十六，戶三百九萬五百四云。

**新安胡氏一桂曰**：帝即位之初，長慮

却顧，深思天下。自唐末以來，生民塗

炭已。知所以為處藩鎮。收兵權之道。以各居潤權。知鎮州。此以知州易方鎮也。既命文臣知州。又各置通判以貳之。所以分節度使之權也。又命朝臣彊幹者出為知縣。所以革藩鎮驕縱之弊也。又擇諸道驍勇兵入補禁衛。所以收方鎮之兵也。又以從容杯酒之間。解石守信。王審琦等。兵權於先。復以後苑之宴。罷王彥超等五人。

先復以後苑之宴罷王彥超等五人

節鎮於後於是藩鎮宿衛不可除之  
痼疾一朝而解矣其於削平僭亂也  
親征李筠而澤潞平親征李重進而  
淮南定於是平荆南平湖南平蜀平  
南漢平江南王師所至勢如破竹考  
其命將遣帥之辭不過曰諸將毋得  
侵暴曰吾當救此一方之民曰切勿  
暴掠生民暨捷書來奏泣曰宇縣分  
割民受其害思布聲教以撫安之攻

欲復石  
地 晉所棄

城之際。必有橫。雁。鋒。刃。者。實。可。哀。也。  
 大哉。王言。一哉。王心。真。天。地。父。母。之。  
 為。量。者。矣。豈。區。區。土。宇。版。章。之。歸。而。  
 已。哉。當。時。惟。河。東。未。平。吳。越。久。已。奉。  
 正。朔。來。朝。矣。西。北。二。方。西夏 契丹慮。之。甚。  
 遠。積。貯。金。帛。期。滿。五。十。萬。與。契。丹。贖。  
 幽。燕。地。否。則。決。戰。期。以。絹。二。百。萬。疋。  
 可。易。敵。人。首。十。萬。心。未。嘗。一。日。忘。中。  
 國。故。地。也。假。以。十。年。河。東。不。日。平。石。



國故地也。假以十年。河東不日平。石

晉棄地亦可復。若夫收靈夏。特餘事耳。江南甫平。逾年而帝已晏駕。惜哉。

其重儒術也。數幸國子監。親贊乳顏。

謂須用讀書人為宰相。而武臣亦欲

令讀書。其取士也。復拔萃之科。嚴覆

試之法。其制兵也。置剩員以處退兵。

親臨講武殿。以閱習。其理財也。置封

椿庫。椿。朱。江反。收市舶利。禁羨餘之獻。其

愛民也。臨御之初。遣使諸州賑貸。分

詣城南。賜饑民粥。曹州饑。運京師米以賑之。其勸農桑也。詔長吏勸課。其卹刑獄也。定大辟覆奏之法。以暑氣命諸州獄吏灑掃洗滌。至於抑奢侈。廢媚川郡。碎七寶器。戒公主勿飾繡翠。嘗出麻縷布裳。賜左右曰。此我舊所服用也。即此而觀。君人之道。真偉然矣。究其所以然者。豈無所本哉。帝嘗聞道理。最大一言。既足以為植國

正心脩  
身之學

直與堯  
舜之心  
合

之根本。而其正心脩身之學。實有非  
人所能企及者。至於洞開諸門曰。此  
如我心。少有邪曲。人皆見之。又曰。朕  
夙夜畏懼。防非窒慾。庶幾以德化人  
之義。朱文公稱太祖不為言語文字  
之學。而方寸之地。正大光明。直與堯  
舜之心合。誠哉是言矣。他如事周太  
后如母。與少帝殂。為舉哀。輟朝。保全  
功臣。俾皆老死牖下。其忠厚之至。有

可。言。者。矣。至。於。遵。母。后。遺。教。寧。不。以。  
天。下。私。其。子。竟。以。授。其。弟。孝。友。之。道。  
又。何。以。加。於。此。哉。至。於。一。兵。一。財。皆。  
朝。廷。自。制。之。故。其。始。也。雖。足。以。戢。姦。  
雄。之。變。而。其。後。也。亦。漸。無。以。禦。外。敵。  
之。驕。雖。太。祖。以。武。功。定。天。下。而。國。初。  
文。事。已。即。開。端。武。略。已。微。不。競。矣。雖。  
理。勢。之。固。然。然。仁。厚。一。脉。肇。三。百。年。  
之。久。夫。豈。易。能。哉。吁。帝。吾。無。間。然。矣。

甲寅晉王光義即位改名炅

古迥及光也迥戶茗

反號宋后為開寶皇后遷之西宮大赦

天下令緣邊禁戢戍卒毋得侵撓外境  
群臣有所論列並計實封表疏以聞必  
須面奏者閣門即時引對風化之本孝  
弟為先或不順父兄異居別籍者御史  
臺及所在糾察之先皇帝創業垂二十  
年事為之防曲為之制紀律已定物有  
其常謹當遵承不敢踰越咨爾臣庶宜

體朕心

龜鑑曰

孟子曰。以天下與人易。為天下得人難。我太祖以金戈鐵馬。間關以有天下。不付之子而授之弟者。是不以天下自私。而欲為天下得人之仁也。元城先生曰。太祖用心。堯舜之心也。舜之叶堯。禹之承舜。而太宗獨無是心乎。

以弟廷美為開封尹。封齊王

廷美。即光美也。

兄

子志召。為永興軍節度使。無侍中。封武

以弟延美為開封尹封齊王延美也兄

子德昭為永興軍節度使兼侍中封武

功郡王德芳為山南西道節度使同平

章事興元尹○以盧多遜平章事楚昭

輔為樞密使○進封李煜隴西郡公劉

錕衛國公○十一月封高麗王佺為高

麗國王○遣馮正如遼告哀○翰林學

士李昉上大行皇帝謚曰英武聖文神

德皇帝廟號太祖○十二月帝御崇元

殿受朝樂縣與懸同而不作大赦改元太

未踰年  
改元

平興國○始令諸道轉運使察舉部內

官吏○遼使郎官王六蕭古只來弔賀

王六弔慰也蕭古只賀即位也○以樞密直學士賈琰

高麗國為三司副使三司置副使自此始○是

人入學歲高麗國人金行成始入學於國子監

資治通鑑節要續編卷之一



資治通鑑節要續編卷之一



浙江圖書館


浙江圖書館善本

甲 登記號：004440

一九 年 月 日





浙江圖書館





浙江圖書館



Centimetres **TIFFEN** Color Control Patches © The Tiffen Company, 2007  
Blue Cyan Green Yellow Red Magenta White 3/Color Black